



PRIČA O NINĐAMA (Shinobi no Mono) – srijeda, 19. februar – 18:00

1962 / 35 mm / 104 min.

Režija: Satsuo Yamamoto

Uloge: Raizo Ichikawa, Shiho Fujimura, Kyoko Kishida

16.st. (period civilnih ratova); izuzetno dobro obučeni i talentirani ratnici žive u japanskoj provinciji Iga. Oni se nazivaju nindžama a njihova vještina nindžutsu... Film je priča o nindžama koji su prakticirali vrstu crne magije tokom perioda civilnih ratova i feudalnog perioda u Japanu. To su bili ratnici koji su, kroz razne asketske treninge, dostigli nadljudske sposobnosti...



PRIČA O NINĐAMA - POVRATAK (Zoku Shinobi no Mono) – četvrtak, 20. februar – 18:00

1963 / 35 mm / 93 min.

Režija: Satsuo Yamamoto

Uloge: Raizo Ichikawa, Shiho Fujimura, Tomisaburo Wakayama

1582.-1594. (period civilnih ratova); general Oda zauzima slavno nindža uporište u provinciji Iga i izdaje naredbu da se eliminišu svi preostali nindža ratnici u tom području... Ovo je drugi dio serijala od osam filmova pod nazivom 'Priča o nindžama' (Shinobi no Mono) zasnovanog na istoimenoj priči Tomoyoshija Murayame, predvodnika brojnih socijalističkih i avangardnih pokreta u Japanu. Redatelj Satsuo Yamamoto je bio jednakih političkih stavova, stoga su i nindže predstavljeni kao izuzetno vješti ratnici koji se bore protiv opresivne vlasti...



HRONIKA KLANA SANADA (Sanada Fuunroku) – petak, 21. februar – 18:00

1963 / 35 mm / 90 min.

Režija: Tai Kato

Uloge: Kinnosuke Nakamura, Misako Watanabe, Jerry Fujio

Osaka, početak 17. st., period nakon historijske bitke kod Sekigahare; grupa siročadi, pretražujući bojište za ratnom opremom susreće mladića po imenu Sasuke, koji posjeduje magične moći za koje tvrdi da su posljedica pada meteora na Zemlju... Provokativan i obojen snažnim emocijama, ovaj film daje glas kulturi mladih, inkorporirajući historijske činjenice o opsadi Osake i staru legendu o klanu Sanada...



GLUMČEVA OSVETA (Yukinoye Henge) – subota, 22. februar – 18:00

1963 / 35 mm / 113 min.

Režija: Kon Ichikawa

Uloge: Kazuo Hasegawa, Fuiko Yamamoto, Ayako Wakao

Yuikoyo, poznati 'oyama' ili imitator žena pleše na sceni teatra Ichimuraza u gradu Edo. U publici su i Sansasi Dobe, bivši upravitelj prefekture Nagasaki i njegova kćerka Namiji. Od kada ga je prvi put vidjela, Namiji je opčinjena Yuikoyoom i vremenom obolijeva od čežnje za njim. Yuikoyo prihvata priliku da se približi Namiji, ali u njegovom srcu ima mjesta samo za osvetu...



SAMURAJ LUALICA (Kaze no Bushi) – nedjelja, 23. februar – 18:00

1964 / 35 mm / 95 min.

Režija: Tai Kato

Uloge: Hashizo Ohkawa, Hiroko Sakuramachi, Naoko Kubo

Tajni agent dolazi u Kishu iz grada Edo po naredbi šoguna Tokugawe. Njegova misija je da pronađe i zaštiti princezu koja se skriva u ovome gradu. Vremenom, tajni agent i princeza se zaljubljuju, protiv svoje volje i protiv normi društva...



SAMURAJ ŠPIJUN (Ibun Sarutobi Sasuke) – ponedjeljak, 24. februar – 18:00

1965 / 35 mm / 100 min.

Režija: Masahiro Shinoda

Uloge: Koji Takahashi, Eiji Okada, Seiji Miyaguchi

Prefektura Nagano, 14 godina nakon bitke kod Sekigahare (1600. god.); vladajući Tokugakawa klan predvodi napade protiv Toyotomi klana. Klan Sanada zauzima neutralnu poziciju. Svaki klan ima svoju mrežu špijuna, gdje svako kupuje i prodaje informacije onome ko najviše ponudi. Junak filma, Sasuke, pripada Sanada klanu a njegov zadatak je da prati aktivnosti druga dva klana... 'Samuraj špijun' redatelja Masahira Shinode, jednog od predvodnika Novog vala u japanskoj kinematografiji 60-ih godina prošlog stoljeća, je politički obojen film o špijunima koji pripada *chambara* žanru, gdje *chambara* označava borbe mačevima...



KIBORG 009 (Saibōgu Zero-Zero-Nain) – utorak, 25. februar – 18:00

1980 / 35mm / 130 min.

Režija: Akehi Masayuki

Direktor animacije: Yasuhiro Yamaguchi

Dr. Cosmo je otkrio Super silu – izvor energije koji je stvorio Univerzum, i naziva ga Vortex. U međuvremenu, Dr. Gilmor i Kiborg 001 uživaju u mirnom životu u svojim domovima, nakon teških bitki sa Crnim duhom. Jednog dana, Kiborg 001 upozorava da će neprijatelj napasti Zemlju a nedugo zatim i Svemirska straža detektira neidentificirani objekat. Dr. Gilmor hitno poziva sve kiborge da se pripreme za predstojeće bitke...